

զգործն, և պահանջեն զհամար գումարացն առեալ 'ի Յու-  
նաց . և ապա երթալ 'ի տեղի աքսորանաց և նորոգել զամ-  
բոցս յընչից իւրոց , և այս եւս 'ի միջնորդելոյ ոմանց , ա-  
պա թէ ոչ՝ գլխապարտ էր նա : Ի բանից աստի կրկնա-  
պատկեցան երկիւղ Քաղաքապետին . զի ինքն չըջեալ էր  
զմիտս նորին 'ի կողմն Յունաց : Եւ մինչ դանդաղէր Դա-  
տաւորն ելանել 'ի քաղաքէն , հասին անդ երկու սուր-  
հանդակք եւս , եւ հանդերձակիր Արքայի ( Չուխատար )  
և ընդ նոսա միարան Սարգիսն , բերեալ զիրս առ Նուրի  
էֆէնտի և առ Պատրիարքն եւ հրամանաւ Արքայի կար-  
գեցաւ Դատաւոր Երուսաղէմի 'ի տեղի աքսորելոյն նախ-  
կին Քարտուղար դատարանի Մուսայ էֆէնտի :

Այրս այս էր 'ի քաղաքէն Երուսաղէմի եւ Դպրապետ  
դատարանի ( 1806 ) , և զժտեալ ընդ Միւֆթի քաղաքին  
տարագրեցաւ 'ի կոստանդինուպօլիս իրր ամս 10 , և եմուտ  
անդ յայլ և այլ պաշտօնս , մինչեւ լինիլ Քարտուղար բա-  
նակի , և լեալ սիրելի յաչս Տիւրքի Զատէ մեծի Դենպե-  
տին , ալն ունէր խնամով նորին լինիլ Դատաւոր Երու-  
սաղէմի . 'ի մեռանիլ հակառակորդին իւրոյ , առաւել եւս  
ջան ետ յայն : Սա յառաջագոյն բարեկամ էր Հայոց , այլ  
վասն խռովութեան իրիք թշնամացեալ ընդ նոսա բազում  
մնասուք՝ յարեցաւ 'ի Յոյնս , եւ եղեւ առիթ նորոգելոյ  
զհին հրովարտակս նոցա հակառակ Հայոց : Եւ ապա ետ  
առնուլ նոցա զհրովարտական 1717-18 թուականաւ , ո-  
րով Յոյնք մերժել փութային իսպառ զՀայս յԵրուսաղէմէ :  
Եւ յետ անցանելոյ ժամանակաց ( 1813 ) Սուլթան Մահ-  
մուտ խնդրեաց 'ի Դենպետէն տալ բերել յԵրուսաղէմէ  
զՇէյխ Ապու Սէօյլուտն , ժառանգել զօրհնութիւն նորա ,  
և նա առաքեաց զայս Մուսայ , բերել զնա անտի . բայց  
'ի մեկնիլ նորա 'ի մայրաքաղաքէն՝ Յոյնք ծանրադին ըն-  
ծայիւք և տրօք որսացին զնա 'ի կողմն իւրեանց , որպէս  
զրէ ականատես Դիոնէսիոս վարդապետ : Եւ հասեալ նո-  
րա յԵրուսաղէմ զնաց 'ի տաճարն Ս . Յարութեան , ուր  
'ի նկատի էառ զչինուածսն . տեղիքն Յունաց փառաւոր ,  
եւ Հայոցն խաթարեալ : Եւ Թէոդորոս Պատրիարք պա-  
տուեալ զնա ընծայիւք հրաւիրեաց զալ 'ի վանս , և նորա  
եկեալ հաշտեցաւ ընդ նմա . Պատրիարքն աղաչէր զնա